

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

§. II. Qui operibus sui status contentus est, debet etiam molestiis
acquiescere, quae in operibus illis exercendis reperiuntur: item illis quae
ea opera consequuntur.

urn:nbn:de:hbz:466:1-13517

§. II.

Qui operibus sui status contentus est, debet etiam acquiescere molestiis, quæ in operibus illis exercendis reperiuntur: item illis, quæ ea opera consequuntur.

¶ 12. **O** Peribus igitur quæ status tuus exigit, exercendis tandem acquiescis? nec ad alia, tuis contentus, anhelas? Bene est. Illud ergo iam est consequens, ut de molestiâ quæ operibus statuque tuo intertexta est imo ingenita, posthac ne conquerare. Certè sic faber, qui munere suo contentus viuit, pelliculæ quâ præcingitur, malleo quantius ponderis, carbonum fuligini, ignisque calori acquiescit, neque adeo sartori inuidet quem è regione puluino insidentem videt, acumque suam commodâ tractantem manu. nihil hic de molestia conquerendum est: innatae hæ sunt operi; & quidem quæque, suo.

¶ 13. Illud iam edixi sæpius, nullum statum esse qui sua non fert commoda & incommoda. parua sint an magna non dispergo. sua tamen habet qui quis status; & quidem ita sua & propria, ut sine illis non sit status proprius. Quod si humili loco sis, multorum indigus, ac propterea incommodè viuas; hoc ipsum scias humilem statum esse, hoc est esse tenuem. Præcelsior si tibi sit fortuna & dignitas, multique à tuo nutu pendeant, multi qui operâ tuâ indigeant; multos etiam esse scias sorti tuæ qui inuident, multos qui te arrodant, multos qui clanculum quasi cuniculis te subuertant, numquam sine umbra sol, nec dignitas præclara sine inuido. Quid ages? humeros contrahe, & dic quod res est: Hoc est magnum esse. Si publicum geris munus, nulla datur quies, semper clientum vocibus perstrepunt atria. Opulenta si sit familia, magnæ occurunt de domesticis rebus curæ, plures intentantur de possessionibus lites, noctes trahuntur insomnes, & ubi mensæ assidetur opiparæ, ibi lecto indormitur inquietè & incommodo. Si nobili sis honestoque loco positus, domus illico vicus fit, omnibus peruvia ut sit necesse est, salutantium & inuisientium clamoribus plena sunt conclavia. Quid verò his salutationibus ultro citroque excipiendis, singi potest molestius & importunius?

*Si opera
status ad-
mittis, etiā
admitte
operū mo-
lestias.*

*Nullus e-
nim status
sine mole-
stiâ est.*

*Etenim nullus
est euasus.*

Fateor isthæc omnia : sed quid agas ? si enim hæc statui non
annexa modò sunt, verùm etiam ingenita; quid tu te, his vt te
cripias, nequidquam torques ? Ita quidem mecum ego rationem
ineo. Magnus sum & in dignitate constitutus : bene est. an er-
go solus ego inuidorum dentes volo euadere , quod meæ con-
ditionis haec tenus datum est nemini, ne Christo quidem ? Publi-
cis admotus sum muneribus : an ego meum sine vlla molestiâ,
sine iurgio, sine vlli:us indignatione, omnium cum aplausu vo-
lo exequi , quod nemini mortalium in hunc diem contigit, &
rursus ne Christo quidem ? Spiritualem religiosamue vitam si
instituo ; an ego solus tentationum anxietatumque expers esse
desidero, quæ felicitas nondum vlli obtigit, & quod mirum ma-
xime ne Christo quidem ? Matrimonio si adstrictus sum ; quid
frustra miraculum illud mihi spondeam, vt incommoda, ex qui-
bus hic status totus quantus est componitur, credam solum me
præomnibus, quotquot sunt fueruntque, mortalibus euasurum?

*Aut statu
igitur depe-
re, aut mo-
lestias sta-
tus admit-
to.*

Certè ista tibi si non placeant, statum quem habes depone;
de statu murmura, hæc qui secum fert incommoda, non verò de
incommodis. si verò statum tibi tuum, prout reipsa est, conve-
nientissimum esse iudicas ; patere hæc incommoda quæ status
tuus fert. Ineptum est potare velle vinum conditum absynthio,
illudque iudicare valetudini tuæ conducere, nolle autem vt a-
marus sit potus; ora contrahere cum bibitur, & de medico con-
queri acerba quòd sit potio. Sanè aut pœculum manu depone,
aut si bibere vis absynthium, amarum pota. Et tu quisquis es, si
quæ acida, si quæ amara occurrerint in statu tuo, scias illa sta-
tum tuum componere, illique ita indita, vt sine illis esse non pos-
sit. itaque iis acquiesce, aut statum muta.

*Tandem et-
iam incō-
moda qua
molestias
illas confe-
quentur,
concentus
sunt.*

Tertiò denique, cùm non operibus tantum status tui , sed
& iis quæ in opere exercendo reperiuntur molestiis, difficultati-
busque acquiusti; tum verò necesse est tandem vt iis etiam con-
tentus sis, quæ difficultates illas molestiasque vulgo & ex rei na-
turâ consequuntur. Quæ demum ea sunt inquieres ? Dicam, si cur-
sum naturæ spectes, & illa virtute magnâ non superetur, natu-
raliter id sit, vt molestias difficultatesque quasi naturæ iure, mæ-
rores animi consequantur: melancholiâ inquam plenè cogitatio-
nes, lachrymæ, suspiria, somni perwigiles & graues, languores
animi, corporis defectiones, morbi prædicti, & pallida demum

mors.

mors. Hæc sanè satis video euadere omnia, nos non posse. naturæ nostræ è iudicis Dei sententiâ, innata sunt hæc duo, *labor* & quod peius est *dolor*. Certè non nego, cùm quis bonorum iacturam fecit, aut res omnes præter opinionem pessimè ceciderunt, cùm insignis impastra est iniuria, cùm res publicæ pereunt aut priuatæ, cùm maritus aut amicus morte abripitur, aliaque cùm eneunt incommoda, naturam id persentiscere, fletus cieri, excitari suspiria, neque quidquam per id tempus admittere quod delebet. Illud etiam satis mihi perspectum est, ita nobis conformatum esset corpus, ut pluribus morbis sit expositum; quos quidem dolores vehementissimi sæpe, numquam non mærores animi, corporis languores, dissolutiones membrorum, cordis anxieties, fastidia, mors denique ipsa consequantur.

17. Verum inquies, hæc si sciebas tam probè, conditionique nostræ dolor, & mentis mæror insertus si sit, cur ab ipso Tractatuum horum initio, lætitia addiscendæ factus es præco? ecquid promittis, præstati omnino quod non potest Audi; nec altercemur, hærentes vti aiunt in æquiuoco. Gaudium promisi, non risum. en. ep. 23. nisi tu fortè indicas, vti bene Seneca, illum gaudere qui ridet. mentis animique lætitiam sum pollicitus, non corporis impetiginem, tu iucunditatem voca. Qui enim sanus exigam, ut flendo rideas & inter lachrymas dissoluaris in eachinos; stultum est docere velle, quod contra naturam sit status, cui tamèn allaborare summa est perfectio. Gaudium hoc quod diuinus Paulus imperat, gaudium sine risu est, quodque amarissimis etiam lachrymis optimè commisceatur. gaudium est quod non in corporis dissolutione consistit, sed in quiete mentis. Hanc autem quo paeto medios etiam inter mærores habere possimus, operæ pretium iam erit explicare: hæc enim summa rei est,

§. III.

Traditur modus quo excipiendo sunt molestiae & dolores, ut in iis constitutus, iis tamen acquiescas, hoc est, ut in dolore gaudeas.

18. N Eque verò longè petenda nunc est ea quam promisi gaudendi ars; ex iis quæ dicta sunt, si paululum iis immoremur, X x 3

*Con se nunc
erit si assē-
das, mole-*
emerget